


НОХЧИЙН РЕСПУБЛИКИН ДЕШАРАН А, ИЛМАНАН А
МИНИСТЕРСТВО
НАЖИН-ЮБРТАН КЮШТАН
БЕНОЙ-ВЕДАНАРА ЙУКЪАРАДЕШАРАН ИШКОЛА

ТЕЛЛИНА

МЦ куьйгалхо


 Эльсанова П. А.

Протокол № 1

«27» 08 2022 ш.

БАРТБИНА

Зам.дир.по УВР

 Эльсанов А. Б.

«27» 08 2022 ш.

Нохчийн мотт а, литература а
1аморан низамехула мах хадоран гирсийн фонд (МХГ1Ф)
5-6 классаш

Х1оттийнарг: Эльсанова П.А.,
нохчийн меттан, литературин хьехархо.

2022 шо

Дешархойн барта жобьпийн а, йозанан талламан белхийн а маххадоран барамаш

5–11 классийн дешархойн барта жобьпийн маххадор

Дешархойн барта жобьпийн маххадоран критереш:

- 1) дуьззана а, нийса а жоп далар;
- 2) Иамийнчух кхетаран тIегIа;
- 3) меттан говзалла.

«5» дуьллу:

Иамийна материал, кхета а кхеташ, йуьззана схьаййцахь; материалах, шен масалш а далош, пайдаэца хаахь; нохчийн литературин меттан норманаш лар а йеш, шен ойланаш хьалха-тIаьхьа нийса а, вовшашца йозуш а йийца хаахь.

«4» дуьллу:

Иамийна материал, кхета а кхеташ, йуьззана схьаййцахь; материалах, шен масалш а далош пайдаоьцучу хенахь цхьа-ши гIалат далийтахь, йуха ша уьш нис а деш; нохчийн литературин меттан норманаш лар а йеш, шен ойланаш хьалха-тIаьхьа нийса а, вовшашца йозуш а йуьйцучу хенахь ши-кхо кхачамбацар хилахь.

«3» дуьллу:

Иамийна материал, гIалаташ дохуш, йуьззана схьа ца йийцахь; материалах пайдаоьцучу хенахь шен масалш ца даладахь; нохчийн литературин меттан норманаш лар а ца йеш, шен ойланаш, хьалха-тIаьхьалла гал а йоккхуш, йуьйцуш хилахь.

«2» дуьллу:

Иамийнчу материалан коьрта чулацам ца хаахь; материалах пайдаэца ца хаахь; нохчийн литературин меттан норманаш лар а ца йеш, шен ойланаш, хьалха-тIаьхьалла гал а йоккхуш, вовшашца йозуш а йоцуш, йуьйцуш хилахь.

«1» ца дуьллу.

Дешархочун балха тIехь гIалат лара деза, барта луш долу жоп муьлхха а бакьо талхош хилахь.

Дешархочун балхана «5», «4», «3» дуьллу, нагахь санна урокан йохаллехь, барта жобьпаш луш дакъа а лаьцнехь, цуьнан белхан таллам бича, бакьонех пайдаэца а хиьнехь.

I. Талламан болх (диктант)

1. Дешаран шарахь 5–11 классашкахь талламан диктантан барам

- 5 класс – 80–90 дош
- 6 класс – 90–105 дош
- 7 класс – 105–120 дош
- 8 класс – 120–135 дош
- 9 класс – 135–150 дош

10 класс – 150–160 дош

11 класс – 160–170 дош

(Дешнаш дагардеш, гІуллакхан къамелан дакъош а лору).

2. Талламан диктантан маххадор

«5» – 0/0, 0/1, 1/0 сов гІалат (орфографически а, пунктуационни а) дацахь;

«4» – 2/2, 1/3, 0/4, 3/0, 3/1 сов гІалат дацахь;

«3» – 4/4, 3/5, 2/7, 5/4, 6/3 сов гІалат дацахь;

«2» – 4/4, 3/5, 2/7, 5/4, 6/3 сов гІалат делахь.

Дешархочун талламан балха тІехь гІалат лара деза, муьлхха а нийсайаздаран а, пунктуацин а бакъо талхош, диктант йазйале оццу классехь йа цул лахарчу классашкахь Іамийнчух иза хилахь. Нагахь санна талламан диктантехь 5 нисдар (нийса цайаздинарг нийсачуьнца хийцина) хилахь, оценка цхьана баллана лахйо, иштта «5» ца дуьллу, диктантехь 3 йа цул сов нисдар хилча.

Оценка йуьллуш, ца лоруш дуьту:

– тилкхаздаьлла гІалат (описка), масала, *белхало* хила дезачохь *белхано* йаздинехь, *Іуьйре* хила дезачохь *Іуьйле* йаздинехь;

– къовсамечу меттигашкахь чолхечу дешнийн нийсайаздар, масала: *пайдаэцар* – *пайда эцар*, *нийсайаздар* – *нийса йаздар*, *гІодар* – *гІо дар*;

– дешнашкахь дифтонгаш йазйар: *къега* – *къиэга*, *терса* – *тиэrsa*, *оза* – *уоза*, *йеха* – *йиэха*, и. д. кх. а;

– цІердешан къовсаме йаздар: *дарц* – *дарцан* – *дорцан*; *мох* – *мохо* – *махо*, и. д. кх. а.

Даккхий гІалаташ лору:

– хьалха Іамийна а, йозанехь алсам пайдаоьцуш а йолу нийсайаздаран, пунктуацин бакъонаш талхош долу гІалаташ;

– мукъазчу элпашна йуккъе йаздеш долу къасторан хьаьркаш, масала: *хІаллакьхилла*, (*хІаллакьхилла*), *меттахьхьайра* (*меттахьхьайра*);

– ихначу хенан хандешнийн йаздар, масала: *бохара (бохура), моьттара (моьттара)*;

– цѲердешнийн хѲокху кепара йаздар: *дечган (дечиган), аьчган (эчиган)*;

– цѲердешнаш а, билгалдешнаш а йацйинчу кепехь йаздар, масала: *гѲулкх (гѲуллакх), гѲилкх (гѲиллакх), дикниг (диканиг)*.

Цъхана бакъонна даьккхина хьалхара кхо гѲалат цъха гѲалат лору, цу тайпана кхин дѲа долу гѲалат лоруш ду.

Диктантах а, гѲедахкарех а (фонетикин, лексикин, нийсайаздаран, грамматикин, пунктуацин) лаьтгачу талламан белхашкахь **ши оценка** йуьллу (диктантана а, гѲедилларна а).

ГѲедахкарийн маххадоран барамаш

«5» – массо а гѲедиллар нийса кхочушдина;

«4» – гѲедахкарийн $\frac{3}{4}$ дакъа нийса кхочушдина;

«3» – болх эханал кѲезиг кхочуш ца бина;

«2» – болх кхочуш ца бина йа эханал кѲезиг кхочушбина.

Билгалдаккхар:

ГѲедиллар кхочушдарехь даьхна нийсайаздаран а, пунктуацин а гѲалаташ, диктантан мах хадош, лору.

I. Талламан болх (дешнийн диктант)

1. Дешаран шарахь 5–11 классашкахь талламан дешнийн диктантан барам

5 класс – 10–15 дош

6 класс – 15–20 дош

7 класс – 20–25 дош

8 класс – 25–30 дош

9 класс – 30–35 дош

10 класс – 35–38 дош

11 класс – 38–40 дош

2. Талламан дешнийн диктантан маххадор

«5» – гѲалаташ ца даьхна;

«4» – 1–2 гѲалат;

«3» – 3–4 гѲалат;

«2» – 5 йа цул сов гѲалат.

Талламан болх (диктант) кхочушбайтарехь хьехархочо пайдаоьцу некъаш

1. Диктантан текст шен чулацамехь дешархой кхеташ а, хИнцалерчу литератури меттан лехамашца йуьззана нийса йогуш а хила йеза.

2. Диктантан дерриге а дешнаш дешархошна кхеташ хила деза. КИезиг лелош а, девзаш доцу а дешнаш довзуйту.

3. Диктантан текстехь хала дешнаш хилахь, и дешнаш йозанан уьн те дайаздо.

4. Текст хьехархочо дайешар литератури меттан норманашца нийса а, муха йаздан деза дешархошна да ца хоуйтучу кепара а хила деза. Масала, *Кайн*, *халкъан* бохучу дешнашкахь, литератури меттан нийсааларан норманашца цхьаьнадогуш, чаккхенгара **н** ца олу, ткьа *тайниг*, *девзиг* дешнашкахь **к**-ний, **г**-ний хьалхахь долу **и** элп, **а** долуш санна, олу.

Ненан меттан йозанан белхийн маххадоран чагИбина барамаш лелоро гоу дан декхар ду ненан мотт хьехаран говзалла лакхайаккхарна а, Таморан а, талларан а кепехь болчу йозанан белхийн лехамаш цхьанакепара хилийтарна а.

Хора дешаран шо долалуш, хьалхарчу чийрикехь талламан белхан (диктантан) текстехь дешнийн дукхалла дадахана дешаран шо чекхдолуш хиллачу талламан белхан дешнийн барамехь маго йеза.

Сочинени а, изложени а маххадор

Сочинени а, изложени а йазйар дешархойн дозуш долу къамел кхиоран коьрта кепаш йу.

5–11-чуй классашкахь сочинени, изложени йазйар дахьо, «Дозуш долу къамел карадерзор» программин декъан лехамашца догуш.

Сочинени а, изложени а йазйарехь толлу:

- билгалйина тема схьайелла хаар;
- темица а, хьесапца а догуш, меттан гИрсех пайдаэца хаар;
- меттан барам а, нийсайаздаран бакъонаш а ларйар.

Сочинени а, изложени а чулацаман мах хадош, тидаме оьцу хИара критереш:

- болх темица богуш хилар;
- тема кхачо йоллуш схьайеллар;
- чулацаман хиламийн роIалла нийса хилар;
- меттан исбаьхьаллин гИрсех пайдаэцар;
- къамелан говзалла.

Нийсайаздаран мах хадабо, дешархочо даьхначу нийсайаздаран, пунктуацин, грамматикин гIалаташка хьаьжжана. Изложени текст йозуш а,

дешархой шех кхеташ а, кхетош-кхиоран, Таморан маъИна долуш а хила йеза.
Изложенина хаьржина текст хьехархочо шозза йоьшу.

5–11 классашкахь изложенин текстан барам

Ма-йарра изложени

- 5 класс – 90–129 дош
- 6 класс – 130–169 дош
- 7 класс – 170–209 дош
- 8 класс – 210–249 дош
- 9 класс – 250–299 дош
- 10 класс – 300–349 дош
- 11 класс – 350–400 дош

Йацйна изложени

- 5 класс – 95–134 дош
- 6 класс – 135–179 дош
- 7 класс – 180–229 дош
- 8 класс – 230–269 дош
- 9 класс – 270–309 дош
- 10 класс – 310–359 дош
- 11 класс – 360–410 дош

10–11-чуй классашкахь йазйечу сочиненин текстан барам

- 5 класс – 60 дашал сов;
- 6 класс – 80 дашал сов;
- 7 класс – 120 дашал сов;
- 8 класс – 160 дашал сов;
- 9 класс – 220 дашал сов;
- 10 класс – 280 дашал сов;
- 11 класс – 360 дашал сов.

Сочиненин а, изложенин а маххадоран барамаш

Сочиненина а, изложенина а ши оценка йуьллу: хьалхарниг – чулацамна,
шолгІаниг – нийсайаздарна.

«5» дуьллу:

– нагахь текст хьалха-тІаьхьа нийса а, йуьззана а, цуьнан идейни чулацамах
нийса кхетош а, гІалаташ доцуш а, галдаьккхина хІума доцуш а йийцинехь;
белхан чулацамехь цхьаннал сов кхачамбацар а, дешнаш харжарехь йа
предложенеш хІитторехь шиннал сов кьамелан кхачамбацар а дацахь;

– шиннал сов нийсайаздаран йа шиннал сов пунктуацин, йа шиннал сов грамматикин гІалат дацахь.

«4» дуьллу:

– нагахь идейни чулацам нийса а бийцинехь, дуьйцучу гІуллакхийн йерриг коьрта меттигаш хьалха-тІаьхьа хила оьшучу кепара а йийцинехь; белхан чулацамехь шиннал сов кхачамбацар а, дешнаш харжарехь йа предложенеш хІитторехь деаннал сов кьамелан кхачамбацар а дацахь;

– кхааннал сов нийсайаздаран, шиннал сов пунктуацин а, йа шиннал сов нийсайаздаран, кхааннал сов пунктуацин а, йа цхьаннал сов нийсайаздаран, цхьаннал сов пунктуацин, кхааннал сов грамматикин а гІалат дацахь.

«3» дуьллу:

– чулацам коьртачу декъана нийса а бийцинехь, бакъдерш гайтарехь цхьаь-шиь нийса йоцу меттиг а йелахь, хьалха-тІаьхьа гІуллакхаш дийцарехь ладам боьцу ледарлонаш а йовлийтинехь; белхан чулацамехь деаннал сов кхачамбацар а, дешнаш харжарехь йа предложенеш хІитторехь пхеаннал сов кьамелан кхачамбацар а дацахь;

– пхеаннал сов нийсайаздаран, деаннал сов пунктуацин а, йа деаннал сов нийсайаздаран, пхеаннал сов пунктуацин а, йа шиннал сов нийсайаздаран, шиннал сов пунктуацин, деаннал сов грамматикин а гІалат дацахь.

«2» дуьллу:

– чулацам темица цхьаьнабогІуш бацахь, дуьйцучу гІуллакхийн хьалха-тІаьхьалла галйаьккхинехь, меттан хьал кьен делахь, текстан стилан цхьаалла галйаьккхинехь; белхан чулацамехь деаннал сов кхачамбацар а, дешнаш харжарехь йа предложенеш хІитторехь пхеаннал сов кьамелан кхачамбацар а делахь;

– пхеаннал сов нийсайаздаран, деаннал сов пунктуацин а, йа деаннал сов нийсайаздаран, пхеаннал сов пунктуацин а, йа шиннал сов нийсайаздаран, шиннал сов пунктуацин, деаннал сов грамматикин а гІалат делахь.

Тестийн маххадор

«5» дуьллу, нагахь дерриг а хаттаршна 90% – 100% нийса жобпаш деллехь;

«4» дуьллу, нагахь дерриг а хаттаршна 80% нийса жобпаш деллехь;

«3» дуьллу, нагахь дерриг а хаттаршна 50% – 70% нийса жобпаш деллехь;

«2» дуьллу, нагахь дерриг а хаттаршна 50% лахара нийса жобпаш деллехь.

Тетрадаш тІехь гІалаташ билгалдахар

Белхаш толлу цІен шекъа долчу ручкица.

Хъехархочо 5–9-чуй классашкахъ белхан а, талламан белхан а тетрадаш тЕхъ гАлаташ, (нийсайаздаран, пунктуацин, грамматикин), нис а дой, цЕчу сизал дехъа билгалдоху билгалонийн хъаьркашца. Ткъа кхоллараллин белхашкахъ, цул сов, къамелан, маЪнин, фактийн гАлаташ (оьшучохъ нис а деш), тулГенан сиз хьокхий, цЕчу сизал дехъа билгалдоху билгалонийн хъаьркашца.

10–11-чуй классашкахъ гАлаташ (нийсайаздаран, пунктуацин, грамматикин), буха ши сиз а хьокхий, нис а ца деш, цЕчу сизал дехъа билгалдоху билгалонийн хъаьркашца. Ткъа кхоллараллин белхашкахъ, цул сов, къамелан, маЪнин, фактийн гАлаташ (оьшучохъ нис а деш), тулГенан сиз хьокхий, цЕчу сизал дехъа билгалдоху билгалонийн хъаьркашца.

ГАлаташ билгалдоху хЮкху билгалонийн хъаьркашца:

I – нийсайаздаран гАлат;

V – пунктуацин гАлат;

Г – грамматикин гАлат;

Къ – къамелан гАлат;

М – маЪнин гАлат;

Ф – фактийн гАлат.

ГАлаташ тЕхъ болх бар

ГАлаташ тЕхъ болх кхочушбо талламан йа кхоллараллин белхаш теллинчул тАьхъа.

Дешархоша гАлаташ тЕхъ болх бо хъехархочун гЮьнца. ГАлат даьккхина меттиг сиз хъакхарца билгал а йоккхий, дешнаш йа предложенеш нийса дАйазйо. ХЮра ГАлат даьккхинчу бакъонна масех масал а дАйаздан деза.

5 класс
Нохчийн мотт

<p>Карладак кхар</p>	<p>Талламан диктант</p>	<p align="center">«Шеран заманаш»</p> <p>Аьхке уггаре а хаза хан. Бераш хьуьнах обьху. Луьйчу. Майданых ловзу. Къеггина кхетта малх хуьлу. Ирча йу ткьа Дешин духар дубьхина гуьйре? Можачу г1аша биллина куз дитташна к1елахь 1уьллу. Мел хаза йу гуьйренан беш! Меллаша обьгу можа г1аш лаьтта. Царна хала ду диттех д1акъаста. Ткъа дитташа йахь ца йала ца хоуьйту шайна хала дуй. Уьш меллаша доьлху... Ткъа 1а ирча ду 1а?! Хьийза а хьийзаш, хелха а дубьлуш. Обьгу лайн чимаш</p> <p align="center">Б1аьсте а йац х1умма а обьшуш! 1а чекхдаллалц са ца тохалуш, хьалакъеда къона буц, кегий г1аш.</p> <p>Грамматически т1едахкарш. 1.) 3-чу абзацера схьаязде: 1-ра вариант-ц1ердешнаш.2-г1а вариант- билгалдешнаш. 2.) К1ел сиз хьаькхначу дешнийн доьжарш билгалде.</p>
<p>Предложенин коьрта а, коьртаза а межаш</p>	<p>Талламан диктант</p>	<p align="center">«Зайнди»</p> <p>Аьхкенап юккъера бутт т1екхечира. Цу баттахь къаьсттина денош довха дог1ура. Еарин дийнахь сахуьлуш г1аьттина Бисолта мангал хьакха вахара. Цу дийнахь луларчу юьртахь базар яра. Кхо герга даьтта а эцна, Аруха цу базара яха елира. Цо ша базар яхале дуккха а г1уллакхаш дехкира Зайндина т1е....</p> <p>Бода къовлалуш, еана ц1а кхечира Аруха. Цунна шайн кертахь хилла къаьхьа де гира. Д1асахьежарх, мохь тохарх, Зайнди-м ца каравора...</p> <p>Бисолтий, Арухий дукха хан ялале, шаьшшинна суьйренан х1ума а йиьна, охьадижира. И шиь башха Зайнди лаха сингаттам болуш а дацара. (83 дош. Бадуев С.)</p> <p>Грамматически т1едиллар. <i>Синтаксически таллам бе.</i> 1-ра вариант-1-ра предл.2-г1а вариант-2-г1а предл</p>
<p>Предложенин тайпанаш</p>	<p>Сочинени</p>	<p align="center">«Гуьйре»</p>
<p>Йаьржина а, йаржаза а</p>	<p>Изложе</p>	<p align="center">Къинхетам</p>

<p>предложен еш</p>	<p>ни</p>	<p>План</p> <ol style="list-style-type: none"> 1. Къинхетам бохург х1ун ду? 2. Муха хила веаа къинхетаме стаг? 3. Делан къинхетам <p>Къинхетам-иза адаман коьрта амал йу. Кхечу адамна йа садолчу х1уманна г1ело хилча халахеташ, дог лазар ду иза.</p> <p>Къинхетаме стаг ишттта хуьлу: воккханиг жимачуьнца, жиманиг воккхачуьнца к1еда-мерза волуш, зударий а, заб1ап нах а лоруш. Хьолада мискачуьнца хила веза къинхетаме. Вайн къоман д1атесна бубераш а, баккхийн нах а ца хуьлу. Иза вай къинхетаме хилар ду. Иштта къинхетам гучуболу хьан обзачу маттаца а, комаьршаллица а.</p> <p>Дала къинхетам бо ша мел кхоьллинчу х1уманнах: адамах а, 1аламах а. Дала дог1а а доуьйтий, лаьтта хьаладовлу дитташ, бецаш, коьллаш, стоьмаш. Дала къинхетам беш, адамна делла б1аьрса, лерса, баккха ког, кховдо куьг, ойлайан хьекьал. Иштта цо вайна делла даа рицкба а. Дагардина ца валлал дукха ду Дала вайна дина диканаш а, вайх бина къинхетам а.</p>
<p>Синтаксис пунктуаци</p>	<p>Талламан диктант</p>	<p style="text-align: center;">«1а»</p> <p>1а 1аламехь уггар шийла хан ю. Муха хуур ду, 1а доьлча?</p> <p>Халкьо олуш ду: «Малх ц1а кхаьчча, 1а дулу». Иза нийса ду. Де уггар дацделла хан хуьлу иза. Цул т1аьхба дог1у масех де кхин хийца ца луш лаьтта. И денош д1адевлча, де дахдала долало. 1аьнан уггар шийла цхьа мур хуьлу. Цунах чилла олу. Чилла юлу 1а доьлла ткба де д1адаьлча. Иза шовзткба дийнахь-бусий лаьтта.</p> <p>Чиллахь, г1айба санна, т1е ло а диллина, массо генаш лаьтта х1уьттун букардахна хуьлу дитташ, коьллаш. 1аьнан хьун, хьежа ца к1ордош, исбаьхба хаза хуьлу. Х1аваь ц1ена саде1а атта долуш. (94 дош. Хь.Хасаев. «1аьнан чиллахь.»)</p>

		<p>Граматически тѣдахкарш. 1.) <i>Билгалдаха дѣха мукъа абзнаш.</i>(Кеп. Шийла) 2.) <i>Схъязде:</i> 1-ра вариант-мукъаза шалха ши элп ул-уллохъ лаьтташ долу дешнаш. 2-г1а вариант -шала мукъаза элташ шайца долу дешнаш.</p>
<p>Фонетика, графика, орфографи</p>	<p>Изложени</p>	<p style="text-align: center;">Изложени</p> <p style="text-align: center;">«Оьзда мотт»</p> <p>Хьесап: 1.Дайн орамашкара дуйна схьадог1уш х1ун г1иллакх ду вайн? 2.Далла а,нахана а гергахъ деза-сийлахъ х1ун леран ду? 3.Оьзда мотт бийца стаг маца 1ама веза?</p> <p>Дайн орамашкара дуйна схьадог1уш цхьа г1иллакх ду нохчийн – стаг верг а, стаг воцург а шен дашца къастош. Цигара схьадаьлла ду «Хьайн багах схьадалазчу дешан эла ву хьо, багах схьадаьллачу дешан лай ву хьо» боху кица. Нахалахъ айхьа мел аьллачу дашах жобпалла ву бохург ду и. Далла а, нахана гергахъ деза, сийлахъ ду адамо шен меттан доладар я багах схьа мел долучу дешан оьздангалла ларъяр. Ткъа и мотт харц а, шалхонца а лебар, адамна бала хин болчу кепара бийцар даккхийчу къинойх, зуламечу лазарех ду.</p> <p>Дош хила тарло г1ийлачун, мискачун, дархочун дог-ойла хьостуш к1еда, мерза, аьхна, довха а, я г1ийлачунна хьовха, поп санна волчу къонахчунна а луйра а, къиза а. Меттан хазалла а, меттан говзалла а гучуяккхар магийна ду вайнехан 1едалехъ. Далла 1ибадат деш, йо1е безам балхош, адамна юкъахъ лелла дов дерзош, ч1ирхошна юкъахъ масла1ат деш, да-нана хьостуш.</p> <p>Оьзда мотт бийца стаг шен бераллехъ дуйна 1ама веза, баккхийчаьрга ла а дуг1уш, цьргара масал оьцуш. Хала делахъ а, иза дахарехъ ца хилча йиш йоцу уггаре а коьртаниг ду. Оьзда мотт адамийн юкъаметтиган дакъа хилла ца 1а, иза вайх х1ораннан сица, кхетамца хила дог1у жовх1ар ду. Цо г1о до оьзда боцчу нехан лаамна к1ел ца вьодуш, цунах ларвала а, шен дахаран новкъахъ ц1ена чекхвала а.</p>
<p>Фонетика,</p>	<p>Сочинени</p>	<p style="text-align: center;">«Сан хьоме нана»</p>

<p>графика, орфогра- фи</p>		
<p>Фразеоло- гизмаш</p>	<p>Изложе- ни</p>	<p style="text-align: center;">«Хьоза</p> <p>Талла вахана ,беша юккъехула схъавоглуш вара со. Суна хьалха дедда доьдуш ж1аьла дара . Ц1еххьана шен болар лаг1дина ,теба дуьйлира иза,шена хьалха цхьа олхазар долуш санна.Бешан йохалла д1асахьаьжча,з1акаран уллеш можа а йолуш, коьрта т1ехь месала пелагаш а долуш, жима хьоза гира суна.Бена чуьра охьадоьжнера иза (мохо ч1ог1а лестадора бешара дитташ),меттах ца хьовш хиина 1ара иза,х1етта девлла дог1у т1емаш,г1ор доцуш, даржа а дина.</p> <p>Сан ж1аьла жим –жимма доьдуш гергадахара цунна, ц1еххьана уллорчу дитташ т1ера цунна хьалха охьадуьйжира, некха т1ера пелагаш 1аьржа а долуш долухьоза-бага г1аттийна цергаш гуш 1ечу ж1аьлина,хьалха дусаделла буьрса хьерадаьлча санна ,цкьа , шозза д1ай-схьай иккхира иза.</p> <p>Шен к1орнина хьалха иккхина иза к1елхьараяккхаг1ертара иза. Амма цуьнан жима дег1 кхерамах хьбнера дог детталора, аз а лаг1деллера,дала дан хьийзара хьоза,шен дег1 а,са а ца кхоадора цо.</p> <p>Мел доккха ,инзаре хета дезара цуьнна ж1аьла!Амма х1етте ашен лекхачу, кхерамехь доьчу диттан гона т1ехь ца 1ийра иза.</p> <p style="text-align: center;">План</p> <p style="text-align: center;">1.Беша юккъехула схъавоглуш. 2.Ж1аьлин теба долар</p>
<p>Дешан х1оттам</p>	<p>Талламан диктант</p>	<p style="text-align: center;">«Жа дажош»</p> <p>Кест-кеста вовшашна уллохь нислора жа дажош волу Ибрах1иммий, бажа бажош волу Ханпаший. Ханпашина цхьац ца тайпа хьехамаш бора воккхачу стага. Цо цунна дуьйцура май раллех а, доьналлех а, стогаллех а лаьцна. Ханпашас боккхачу безамца ладуг1ура воккхачу стага дуьйцучуьнга. Дуьххьал д1а Ханпаша зерхьама, Ибрах1има элира:</p> <p>- Ва, Паша, нехан бежнаш дажош лелар эхь ду ца аьлла хьобга цхьаммо а?</p> <p>- Эхь хьаха ду нахе сискал йоьхуш лелча, - сихха жоп делира Ханпашас.</p> <p>-Кхул тоьлаш болх бацара хьуна кхузахь?</p> <p>- Сунна нефтекачке балха ваха лаьара, амма со д1а ца оьцу, жима ву бохуш. (91 дош)</p>

		<p>Грамматически тедиллар.</p> <p>1.2-чу предл.бе синтаксически къастам.</p> <p>2.Цхъанатайпанарчу меженашна буха сиз хъакха.</p> <p>3.Карае чолхе предл. амма хуттургаца. Грамм.баххаи билгалбаха</p> <p>4.Тедерзар билгалдаккха.</p> <p>5. Автор дешнаи билгалдаха.</p> <p>6.Диалог юххе Д дилла.</p>
Цердош (юкъара кхетам)	Изложе- ни	<p>«Ден весет»</p> <p>Цхъана стеган ворх1 клант хилла. Мацца а, шех лен цамгар кхетча, дас, кхайкхина и ворх1е клант те1 а валийна, цаьрга аьлла:</p> <p>-Ворх1е а, ваха а г1ой, цхъацца сара а бохьуш чувола, аса, со валале, цхъа весет дийр ду шуьга!</p> <p>Цхъацца сара бохьуш, чу а веана, ворх1е а дена хьалха д1ах1обьтина.</p> <p>Дас аьлла: «И ворх1е а сара вовшах а тохий, т1ийриг а хьарчай, цхъа ц1ов бе».</p> <p>Шайга аьлларг дина кленташа.</p> <p>Дас воккхахволчу кланте аьлла:</p> <p>-Схьаэцал, клант, уьш кагдан хьажал.</p> <p>Цу серах дина девзиг, гоьла те1 а те1ош, кагдан г1ертарх, ца кагделла кланте.</p> <p>Цуьнга санна, вухку вежаршка а аьлла дас. Цаьрга а цхъаьнгте а ца кагделла девзиг.</p> <p>Т1аккха дас аьлла:</p> <p>- И хора сара къаста а бай, ша-ша а баккхий, хьовсал, шайга уьш кеглой.</p> <p>Цо ма-аллара, серий ша-ша даьхна, кегдина.</p> <p>Дас т1аккха шен кленташка аьлла:</p> <p>-Хьовсал, сан клентий. И аша цхъаьна вовшахтоьхна ворх1 сара санна, шу цхъаьна, бертахь, вовшийн г1о деш хилахь, шух адам а кхаьрдар дац, амма шу вовшахдовлахь, наха шу а лорур дац. Барт цхъаь болуш хилалалш. Барт ч1ог1а маь1на долуш х1ума ду шуна.</p>
Карладак кхар	Талламан диктант	<p>«1алам»</p> <p>1алам. И дош доца делахь а, шен чулацам клоргера болуш ду. Адамийн а, дийна-тийн а, хьаннийн а дахар 1аламах хаьдда хила йиш йолуш дац.</p> <p>Самукъане, хаза б1аьсте чекхьелира. Т1еера беркате, йовха аьхке. Иза адамаш-на уггар каде мур бу.</p> <p>Акхарой а, олхазарш а синтем боцуш лелара. Цара шайн б1аьста дуьненчу евлла клорнеш кхаййора, 1алашйора, уьш когайохуьйтура. Малх гучуболлушехь, дохк д1адайра,</p>

		<p>баца т1ера тхин т1адамаш дакъаделира. Дерриг 1алам, малхана дела а къежаш, д1ах1оьттира.</p> <p>1аламо шен къайленех пайдаоьцуьйтур бу массо а садолчу х1умане.</p> <p>(80дош.Хь. Хасаев.)</p> <p>Грамматически т1едахкарш.</p> <p>1.Кху дешнашна ялае синонимаши:</p> <p>1-ра вариант хаза (исбаьхьа), каде (т1ахьаьлла).</p> <p>2-г1а вариант самукъане (забаре), беркате (хайр, ни1мат, токхо).</p> <p>2. Морфологически таллам бе.</p> <p>1-ра вариант-1алам, б1аьсте, адам, 2-г1а вариант-дош, аьхке, малх.</p> <p>3. Дешнийн х1оттам билгалбаккха.</p> <p>1-ра вариант чекхъелира, малхана</p> <p>2-г1а вариант дакъаделира, т1адамаш</p>
<p>5-чу классехь 1амийнарг карладак- кхар</p>	<p>Шеран талламан диктант</p>	<p>«Б1аьстенан суьйре.»</p> <p>Хаьий хьуна, доттаг1а, нохчийн лаьмнашкахь б1аьстенан суьйре мел хаза хуьлу? Гобакккхина, б1аьрг мел кхочу а, гуш хуьлу, говзачу куьйгаша лерина басар хьаькхча санна, лилула-сийна басеш. Царна т1ехь техкачу стеша а, коканийн коьллаша а, хьаьрса-хьечаша а хьалххехь заза доккхий, мел генара юьрта кхачайо цхьа ша-тайпа тамашийна хаза хьожа. Лаьмнашна т1ехьа бала карах ца долуш, тийсалуш, сецалуш, буха г1ертачу малхо шен дашо з1аьнарш басешца д1аяржайой, исбаьхьа суьрташ х1иттош лепо доладо басешна куз хилла 1охку и хаза зезагаш.</p> <p>1аламан х1оттамах даккхийдеш, царна т1ехула дайн хьийзаш хуьлу басна тайп-тайпана долу полларчий, дахарна саьхьара долу накхаран мозий, з1уганашший.</p> <p>Секха-1одаца кхоьссина пха санна, мозашний, чуьркашний чухехкалуш, шок етгаш, хьийзаш хуьлу т1ам 1аьржа ч1ег1ардигаш. (107 дош)</p>
<p>6 класс Нохчийн мотт</p>		

<p>Карладак кхар</p>	<p>Талламан диктант</p>	<p style="text-align: center;">« Нана-Даймохк»</p> <p>Бийцина ца валлал, хаза, беркате мохк бу вайн. Тайп-тайпана дитташ долу хьаннаш ю, шера аренаш, лекха лаьмнаш. Чухьабжча, юьхь-сибат а гуш, бухдуйлу сирла шовдана. Исбаьхьа чухчареш ю дешица, детица кхелина.</p> <p>Дитта т1е олхазар хуу. Цо вайга дагара дуйцу, шен зевне аз вайн дегнех а хьерчош. Т1аккха ойла кхоллало: «Ма хаза а, ма зевне а бу-кх хьо, Нана-Даймохк,»-олий. Иштта вайн мохк хаза, токхе хиларна деха вайца и тайп-тайпана олхазарш.</p> <p>Бес-бесара бецаш ю, шеца олхазаршна дез-деза х1у а долуш. Стоьмаш бу: кхораш, комарш, стеш, хьармакаш (шиповник)... .</p> <p>Уьш олхазарийн даарш ду. Адамаша олхазарийн 1уналла дан деза.</p> <p>1ай арахь яах1ума а латтош, дитташ т1е гуйш а (кормушка) ухкуш...</p> <p>(113дош. С.-М. Гелагаев. «Олхазарийн дуйне-сан дуйне.»)</p> <p>Грамматически т1едиллар.</p> <ol style="list-style-type: none"> 1. Исбаьхьа бохучу дашна синоним ялае. 2. Легаде «стоьмаш» боху дош.
<p>Билгал-дош</p>	<p>Сочинени</p>	<p style="text-align: center;">«Ларде вай 1алам?»</p>
<p>Билгал-дош морфологически къастор</p>	<p>Талламан диктант</p>	<p style="text-align: center;">«Гуйре»</p> <p>Г1а доьжначу варшахь г1а дожаза лаьтта нежнаш, генара хьабжча, элан литтанех тарлора. Ялтех юьззина лаьттина аренаш яссаеллера. Йовхо ца лора х1иллане лепачу малхо. Ирча, сингаттаме дара аренашкахь. Юьртахь дацара, х1ара ду аьлла, ойла т1ейоьрзур йолуш х1ума. Хуьлуш дерг хьабжк1аш тило цхьаццаммо белхи бар дара. 1аьнна кечлуш, д1атуьйш долчу дахарна юкьа цо дахьарг а бен-берса х1ума дацара. Керташкахь д1ах1иттийнчу г1одмийн такхораша нилха ц1енош долу к1отар юкьйора. Такхораш дина д1ах1иттийнера Элберда шен г1одмаш а. Такхорашна юккьехь а, т1ехь а, мотт хьабкхча санна, ц1ена яра.</p> <p>Цхьаннахьа охьайоьжна луйдиг яцара гуш. Гуйранна ирча хуьлу яраш. Уьш бухьабжначуьра оьрнаш Элберда д1ашардинехь а, леррина болх бар гойтуш, Х1етахь-м х1ара берриге а г1амаран бара. Ког баьккхича, мачаш къайлайовлура а багош, чуьра когаш а багош...</p>

		<p>Грамматически тѣдахкарш. 1. Буха сиз хъакха билгалдешнашна а, терахъдешнашна а. 2. Морфологически таллам бе. 1-ра вариант. 2-г1а вариант. Ткъе ворх1 керла (ло) 3-г1а вариант. ворх1-барх1 (шо)</p>
<p>Терахъ-дош</p>	<p>Изложе-ни</p>	<p>«Дуьххъарлера хъехархо»</p> <p>Тхешан куьпарчу берашца школе йигира со а. Мел хаза хетара суна! Мобттура, дерриг дуьне оцу сайн жимачу т1обрмиг чохъ ду, цу чуьрчу абато со цхъана тамашеначу ирсе кхачор ю.</p> <p>Лулахойн бераша хъехархочуьнга д1аелира со. Тхан йишин Элитин хенара йо1 яра иза. Х1етахъ дуьйна дуккха а шераш д1адевлла. Амма суна цкъа а диц ц ало и де, сайн дуьххъарлерачу хъехархочун сурт а. Х1инца а гуш санна хета цуьнан эсала, екхна, к1айн горга юьхъ, къинхетаме б1аьргаш, букъ буьззина ловзу стомма 1аьржа ши ч1аба, д1аса т1емаш тесна, даьржина 1аьржа ц1оцкъамаш, к1еда аз.</p> <p>Суна а, тхуна массарна а Белител дагна хьоме адам дацара. Цо т1еюьйхина муьлхха коч, тиллина йовлакх, лергех оьхкина ч1агарш, когара мачаш – уьш механа мел йорах хиллехъ а, тхуна исбаьхъа исбаьхъа хетара. Тхо дерриш а цунах тардала г1ертара. Тхуна юккъехъ тасаделла доттаг1алла милла а хьобгур волуш, довха, безаме дара. Массанхъа а тхобца яра Белита. Х1инца а ойла йо ас: цо ешаза книга, цунна ца хууш х1ума хила а хиллий техъа? Муьлхха хаттар шегга даларх, эсала ела а къежий, нийса жоп лора цо. Дуьйцура муьлххачу а книгах лоций. Ткъа туьйранаш! Цкъа а к1ордор дацара цаьрга ладог1.</p> <p>(160 дош) А.Айдамиров</p>
<p>Терахъ-дош</p>	<p>Талламан диктант</p>	<p>«Ши к1ант тилар»</p> <p>Деьна са хилира. Гобаьккхина хьун яра лаьтгаш. Цхъана а меттехъ некъан лар яцара гуш.</p> <p>Ши к1ант ц1ехъа верза лууш вара. Амма муьлхачу аг1ор ваха веза ца хууш, тиллера и шиь. Мацвелла кийра 1ийжара.</p> <p>Делкъхан хиллера. Бажа лелла некъаш карийча жимма сапарг1ат даьллера шина к1ентан. Ламанан дежийлашкахъ гуш дара жа а, бежнаш а. Дукха гена валале, бетта мохъ хезира шина к1антана.</p>

		<p>Цѣра тѣаьхѣ даьлла орца, сахиллалц маьхъарий, детташ, ланнаш цоьстуш леллера. Лечий, лалхий царна карор вара, и шиь цхъаьна аглор дѣаихна гена ваьлла ца хиллехь.</p> <p>Шаьш лачу клотарара вуьрхлитта-берхлитта километр хиллал дѣаихна хиллера и шиь.</p> <p>(Х-А. Берсанов)</p> <p>Тѣдиллар: 1. Терахъдешнаш билгалдаха. 2. Кхоалг лачу предложенина синтакс. къастам бе</p>
Цѣрмет-дош	Сочинени	«Хьоме Даймохк»
Цѣрмет-дош	Талламан диктант	<p>« Олхазарийн дуьне.»</p> <p>Берахъ дуьйна хилла со олхазарш дезаш. Хлннца воккха мел хили а, чѣаглуш схъабоглу сан цаьрга болу безам. Царех вуно члогла самукъадолу а сан. Дала ма-кхоллара, цѣена, исбаьхѣ ду олхазарийн дуьне. И дуьне девза-черан синош даима а сирла, цѣена хир ду, Дала азаллехь кхоьллина ма-хиллар.</p> <p>Сан дов хилла олхазарийн бенаш дохош болчаьрца, уьш лазош, заьлапдеш болчаьрца. Уьш адамех теша, ткѣа цхъадолу адамаш къиза хуьлу цаьрца, къинхетам бохург хлун ду а ца хууш. Делах ца кхоьру хир бу-кх уьш.</p> <p>Олхазарша, пайда бар бен, зен ца до. Уьш ца хилча сагалматаш дебар яра. Ораматийн дуьне глийла хир дара я хиллане а хир а дацара.</p> <p>Олхазарш вайх тешна ду,-вай царех тешна ду.</p> <p>Дуьненахь Дала мел кхоьллина хлума вовшашца йобзна ю.</p> <p>(116дош. С.-М. Гелагаев. «Олхазарийн дуьне-сан дуьне.»)</p> <p>Грамматически тѣдиллар.</p> <p><i>Кѣел сиз хъакха цѣрметдешнашна.</i></p> <p><i>Билгалдаха цѣран тайпанаш</i></p>
Хандош	Изложени	<p>«Гуьйренан юьхь»</p> <p>Тѣе клурз биллинчу тхевнах терачу стиглара бутт, иккхинчу кехат латийна, шиша тѣехь долу чиркх, мехкдаьтга кхачийча санна, дѣабайра : ткѣа седарчий-м тоххарехь гучуьра дѣадевллера.</p> <p>Буйса тѣеттла ларжлуш лаьттара : мохо схъалоьхку мархаш, лаьтта тѣе буьззина бода хлоттош, лаьлаш яра. Из яра нохчийн ярташкарчу цѣенош чохь, товхашна хьалха а хевшина, лаьржа блѣаргаш долчу бараша, глийлачу цѣергахь херца а хоьрцуш, хьажкѣлаш йотту зама. Теркаца глум глаттош, хьекха болабелира цхъа ирча мох. Ткъес деттаран лепарехь гуш хуьлура лаьхъанах терачу,</p>

		<p>г1ашший, генашший д1айдочу, цу Теркан асанан масаллий, аьрхаллий, лаьтта т1ехула акхтаргашший, дог1ано етта тулг1енашший. Дожк санна юькьачуй, оцу буса инзаре акхачуй хьуьнхахь, дезачу а, дег1е зуз доуьйтучу а озанца, шен к1езех хаьдча санна, уг1уш борз а хезара лахахьуо хин йистехь. Цуьнан уг1ар, дог1анца дера хьобкхучу мохан уг1арх д1а а обьй, цхьаь хуьлий д1адахлора цкьа, юха а кьаьстара, д1аоьра т1аккха а. Оцу лерг г1елдчу, дог телочу г1аранна юккьехула наг-наггахь, халла, кьорра схьахедара .Теркал дехьарчу нохчийн юьртахь ж1аьлеш летар. Буйьса йобьна санера.</p> <p>План. «Бутт 1аржлуш лаьттара». «Иза яра гуьйре юлу зама». «Уг1уш юьртахь ж1аьлеш летара». «Нохчийн юьртахь ж1аьлеш летара».</p>
Хандош	Изложе-ни	<p style="text-align: center;">«Мухтар»</p> <p>1уьйранна школе вьодуш вара Мухтар. Маржанг1еран кет1а нислушшехь, берийн мохь хезира цунна. Саца а сецна, ладуьйг1ира Мухтара бакьонца тийшира иза кхераделлачу берийн аьзнаш хиларх. Кхин хьем ца беш, ведда ц1ийнан не1аре вахана, и схьаелла г1оьртира Мухтар, амма схьа ца еллаелира, чухула дог1а тоьхна хиллера цунна. Т1аккха ведда коре а вахна, корях чухьаьжира к1ант чохь буйкьа к1ур, бара. Хиира Мухтарна чохь це яьллий. Г1уллакх мало ян а, я т1аьхьататта йиш, йолуш дацара. «Же, Мухтар, сих 1алела! Г1о де берашна, к1елхьара даха уьш» – бохура цо ша шега. Буй тоьхна, ангали а дохийна, коран ши дакьа схьа а диллина, маьнги к1елахь мохь обьхуш 1ен йол араяккхира цо. Ц1ийнан цхьана сонехь, бертал а вьожна, г1ийла узарш деш 1уьллу жима к1ант а ара ваьккхира. Юха, ведда ураме а ваьлла, шен доггаха мохь бетта велира: «Орца дала! Це яьлла, ц1а догуш лаьтта», – бохуш. Цуьнан мохь хезна лулахой а, урамехь нисбелла нах а схьахьаьлхира. Цара догучуьра ц1енош а, дукхах йолу чуьра х1умнаш а к1елхьараехира.</p>
Карладак кхар	Талламан диктант	<p style="text-align: center;">«Кегий йийсарш»</p> <p>Г1опал ара ца ваьлчхьана маьрша витинера к1ант. Уьйт1ара д1ахьаьжча гира цунна йовхонан тов хьийзочу мархана юккьехула долу лаьмнаш. Цигахь ша вина юрт хилар дагара ца долура. Г1опара вада салаьттара.</p>

		<p>Глопана гонаха бина лекха пен бара. Хаш маь1-маь1ехь лаьттара. Делахь а дог ца дуьллура к1анта. Аьтто лехарх карош бац. Хьуна дагахь а доцуш нисло иза. Иштта цкъа аьтто белира 1алин а. Ха деш волу салти цхьа г1уллакх хилла юьстахвелира. Сиха д1асахьяьжира к1ант. Пен телхина, ког билла киртигаш йолу меттиг гира цун-на. Дукха маса цунна т1е а хьяьдда, дехьяиккхира иза.</p> <p>Дехья хехь лаьттачу салтичунна гира ведда воьду к1ант. Цо орца а даьккхина, ши-кхо дошло т1аьхьахецавелира. К1ант г1опа юхавалийра. (106 дош. 1.Гайсултанов. «Кегий йийсарш»)</p> <p>Грамматически т1едахкарш.</p> <p>1. <i>Хандешнашна буха сиз хьякха.</i> 2. <i>Морфологически талламан бе.</i></p> <table border="0"> <tr> <td>1-ра вариант</td> <td>2-г1а вариант</td> </tr> <tr> <td>к1ант</td> <td>ши-кхо (дошло)</td> </tr> <tr> <td>3-г1а вариант</td> <td></td> </tr> <tr> <td>иза</td> <td></td> </tr> </table> <p>3. <i>Хандешнаш хенашца хийца: витинера, даьккхина.</i></p>	1-ра вариант	2-г1а вариант	к1ант	ши-кхо (дошло)	3-г1а вариант		иза	
1-ра вариант	2-г1а вариант									
к1ант	ши-кхо (дошло)									
3-г1а вариант										
иза										
<p>Карладак кхар</p>	<p>Шеран талламан диктант</p>	<p align="center">« Юьртахь суьйре »</p> <p>Луьстачу хьаннаша хазбинчу ломан к1ожехь 1уьллура Мусин-К1отар.1аламан хазалло кхелинчу оцу жимачу юьрта юккьехула чекхдолура лекхачу лаьмнашкара охьадог1у г1овг1ане шовда. Инзаре хаза хуьлура кхузахь суьйре. Шовданаш декар, олхазарийн эшарш, дежийлашкара ц1ехьа дирзинчу уьстаг1ашний , гезаршний дуьхьал уьдучу 1ахарийн буьхьгийн 1ехар, ловзуш лелачу кегийчу берийн аьзнаш. Уьш дерриге а вовшвех обй, синкьераме г1ар кхоллалора.Иза лаьмнаша д1аузий,стамйой,1аннашкахула чекхйоккхура.</p> <p>Гонахарчу ярташкарчу кегийчу нахана а хазахетара Мусин-К1отар.Цуьнан коьртачу бахьанех цхьаь цхьаь дара куц а,г1иллакх а оздангалла а цхьанадог1уш болу мехкарий кхузахь дукха хилар. (80дош)</p> <p>Т1едиллар.</p> <p>1. <i>Хьалхара кхо предложени синтаксически къстае</i></p>								